

永年縣志序



國家混一區宇一統有志省有志郡縣有志尚已永爲廣武志郡縣有志尚已永爲廣武首邑文獻足徵志書獨缺前令東平宋公以高賢蒞任茲上三年報政環視四封雍如肅如乃謀于鄉士大夫廣諮博採分較合輯創纂是志越歲而成則予承乏之日也會邑紳申銓部公以錄完一帙相示且屬序於予予惟夫志也者史也事欲綜覈語尚體

要以備觀省而寓勸戒至重
矣若夫騁于萬一涌于異說
疏略謏淺至有觚牾不求施
用徒務眩覽於義無當君子
弗取焉是志也按故牘集往
事槩爲論次詳爲臚列以事
則疑信核以文則華實稱以
義則法鑒昭使後之人披圖
考瞻星野動經緯之思攷疆
域稽沿革懷保障之想其門
山川之流峙古蹟之變遷建
置之興頽學較之隆替以至

壇祠妥神田賦輸貢兵紀衛
民秩官課吏宦蹟之垂畱往
昔選舉之登明賢雋人物毓
川岳之秀綸音揚絲綽之輝
藝文勒金石之美載在志中
者不一而足皆可以觸類觀

三

感而興起焉故予又謂夫志
也者志也是以作者之志與
讀者之志精神玄合相與有
成其裨益治理豈淺鮮哉雖
然時殊勢異昨是今非膠柱
而鼓徽音斯邈得無有前人

之美意良法積而爲滯礙者
乎亦有紛更之而愈遠于道
者矣得無有無事時之栽花
鳴琴有事時之臥薪嘗膽今
昔天淵懸殊者乎或亦有異
地同心不必形勢之摩肖而
反歎遵循之罔過者矣語云
利不百不變法害不十不更
制言貴守也又云琴瑟之不
調必解而更張之何也要以
酌古準今與時推移不嫌淺
迹期于合符不諱通變期于

適用斯爲善讀是志者哉所謂神而明之存乎其人予何敢任焉抑尤有所感者憶初令肥時卽迫虜警拮据城守治兵引水及虜退肥城諸大役不遺餘力寇震鄰則冒矢

五

石督勦滅此而後朝食焉稽諸舊牒咸所未有非云喜事勢不得已也每偕士大夫登眺城闕俯仰千古慕韋趙州之遺烈李文靖之深識未嘗不把酒酹之有慨于衷欲續

成肥志以紀一時之遭而未
遑也斯志之成實獲我心輒
爲喜譚而樂道之故不敢以
不文辭是役也宋公創從前
之闕典而其間鄉士大夫贊
襄之力居多俱載銓部公別
紀中不復贅

六

崇禎十四年辛巳八月上浣
之吉

賜同進士出身文林郎知永年
縣事耿濟郝綱撰

徵志文札

不肖自承乏以來竊謂貴邑旣屬畿南又首本郡

國家雲蒸霞蔚幾三百年矣邑尚無志此有司之責邦人文獻之缺也用是不揣固陋銳意徵尋賴

二三君子惠有數草矣但山川之流峙賦役之數目典禮之規條制度之沿革固無可增益矣獨是節行文藝在城在野或尚有隱而未彰傳而幾絕邑未有志無可如何鉛槧旣設猶使幽

芳素懿淪落郊草恐自此受抑
山中負恨泉裡且縣志宜詳于
府碎金必收片玉可惜誠得博
雅君子搜揚補緝綴筆其間使
百里之內日月一明則地方三
百年來未有之盛事矣惟大雅

二

留意焉

宋祖乙謹白

邑乘紀

永附郡無專志志肇於東
平宋侯至齊河郝侯下車
之日乃告竣三載政成芳
猷烜焯立功立言具足不
朽宋侯有造吾永於志已
見一班矣郝侯調永之始
關心民瘼銳意興除倡毀
橫閘之議而萬姓之積憤
抒矣首建廣濟之閘而于

畝之美利溥矣緩米豆之
徵子遺續命之膏也申災
疫之請流亡炤屋之燭也
練兵固圉警奸詰戎禮賢
造士賑草恤孤善政鱗鱗
不勝紀載士民擬續收新
績用成完乘而郝侯則謙
謝不遑曰舊尹之政弗敢
掠也舊政之美亦可宗也
抑抑之度遜膚不居則又

浩浩乎泝河漢之無極矣
姑紀其略以俟後來

邑人申佳胤謹識

纂志姓氏

賜進士第知永年縣事宋祖乙

鑒定

儒學署教諭事汪光緒

鄉官李春蓁

申佳胤

王端

纂校

胡福弘

馬任遠

申爲憲

姓氏

秦德光

李仲熊

李昌期

馬兆燿

胡士偉

徐擢

胡宣

李芳濬

李芳蒞

盧惇胤

胡大臣

舉人李濟

盧愜胤

劉鏡

劉鎡

盧贊玄

李澄

樊鴻選

姓氏

龔如錫

葉騰鳳

趙士弘

貢士盧恂胤

李芳澂

杜汝浮

胡鳳閣

例貢蓋慶堯

武善政

庠生周爾桃

姚文輝

杜汝矜

姚文耀

宋聯晉

李球績

鄭茂

王曾象

姚璘

姓氏

杜震遠

盧漢翔

杜汝繩

胡宇桐

陳錫

周儀典

布衣郭端

捐資仝梓

邑乘凡例

一星野稽之天文考厥正義一切幽謬荒幻之談不載

一疆域星羅碁布燦然指掌若里社若鄉鎮若街巷悉載罔漏

一沿革時因升降地隨變遷自上古以迄國朝歷歷可考悉列之

一山川山首聰明川推漳滏識其大者表而出之若水利創因建閘利害尤爲喫緊覽者留意焉

凡例

一古蹟澤國平田原乏名勝乃一二餘緒遺踪猶堪馮帛始採之以寄滄桑之感

一建置創都設邦聿立民極其間橋梁坊楔或不無蝕朽泯沒者俟詳考

一學較大成之居不列建置崇大與昭專秩也射圃社學之類附麗官牆故統志之

一壇祠祀事聿修國之大事唯於地之祀不載生者懼涉阿諛

一田賦任土作貢賦役原有定額不軍與急則然

錯出矣至于風會遷流無復淳龐樂利之舊風十
附焉以志慨爾

一兵紀民性淳怯素不習兵虜寇交訌騷馬多事年
來魍蝗肆害祥少災多悉志之用備修省

一秩官有司之設漢晉以來悉矣簿尉雜流遠不及
察恐多失次俟詳考

一宦蹟循良卓異表表著聞卽代庖儒秩之可傳述
者亦靡有漏唯近代諸賢見在仕籍或隱伏林下
者俱不敢遽列

凡例

二

一選舉山岳毓靈賢才登雋甲榜尚已曰孝廉曰明
經曰叢舉悉載焉封廕蓋光裕之人者亦附及之
一人物遠自唐宋近迨今茲名賢每代不乏獨是山
林之隱逸閨閣之幽貞尚有搜訪未周者俟詳考
一綸音甲第蟬聯榮膺

一天寵未可枚舉茲詮次若許遺漏寔多爲名賢之後裔
者宜何如珍襲焉俟詳考

一藝文文關典故弗堪磨滅其他流連寄興祝詞諛
墓之詞雖名筆不錄

於庚辰八月越辛巳乃告竣更番數千
紛然雖往返商確幾經酌定其間尚多錯漏續一
代之典章潤不朽之盛事仍俟後之君子

邑人申佳胤識